

Маҳалла

3 (709)

Ўзбекистон Оқсоқоллар кенгаши ва «Маҳалла» жамғармаси республика бошқаруви нашри

2010 йил 21 январь. Пайшанба

ISSN 2010-7013

«Водийгазтаъминоти» унитар корхонаси Асака тумани филиали аҳолини табиий газ билан узлуксиз таъминлаш мақсадида сидқидилдан меҳнат қилмоқда. Утган йили тумандаги Юкори бўз, Дўнг, Кайрағоч, Окбўйра, Мирзаобод маҳалла фуқаролар йиғинларидаги 15 километр газ қувурлари, Мирзаобод-Окбўйра йўналишидаги узунлиги 4 километр ер ости газ қувури янгиланган эди. 2010 йилда Файзиобод, Конди, Янгисор маҳаллаларидаги ер ости газ қувурини таъмирлаш ишлари якунланмоқда. Шунингдек, Зарбдор қишлоқ фуқаролар йиғини Неъматобод маҳалласи, Кужган қишлоқ фуқаролар йиғини Чек маҳалласи, Мустаҳкам қишлоқ фуқаролар йиғини Хонақа маҳалласи ва Қадим кўчаларида аҳолининг газ таъминоти яхшиланди.

СУРАТДА: «Водийгазтаъминоти» унитар корхонаси Асака тумани филиали қарашли газ тақсимлаш шохобчасида (чапдан) оператор Носиржон Холматов ва туман газ филиали техника хавфсизлиги муҳандиси Аъзамхўжа Камолов газ тақсимлаш меъёри ҳақида суҳбатлашмоқда.



Шухрат Олимов (УА) олган сурат.

РАЁСАТ ЙИГИЛИШИ

ФАОЛИЯТ САРҲИСОБИ

Бугун ҳаётимизнинг барча жабҳаларида амалга оширилаётган аниқ мақсадларга йўналтирилган ишларда маҳаллалар иштироки яққол кўзга ташланади. Маҳалла фаоллари аҳоли ичидаги мавжуд муаммоларни ўз вақтида ҳал этишга кўмак бериб келишаётир. Хусусан, эҳтиёжмандларни моддий-маънавий жиҳатдан қўллаб-қувватлаш, ёшларнинг камолоти ҳақида қайғуриш, илҳизмликни, тартиббузарликларни бартараф этиш, аҳоли турмуш фаровонлигини таъминлаш каби долзарб вазифалар йиғинлар томонидан кунт билан удаланаётир. Бу жараёнларда “Маҳалла” жамғармаси ва унинг ҳудудий бўлими ҳамда бўлинмаларининг ҳам фаол иштироки бор. Фуқаролар йиғинларининг самарали фаолият юритиши учун услубий ёрдамлар кўрсатиш, кам таъминланган, ёш оилаларни рағбатлантиришда, жойларда юзага келиши мумкин бўлган ижтимоий муаммоларни тушунтириш, тарғибот тадбирлари орқали бартараф этишда жамғарма фаолларининг ташаббуси алоҳида ўрин тутади.

Ўзбекистон “Маҳалла” хайрия

жамғармаси республика бошқарувида 2009 йилги фаолият якунларига бағишлаб ўтказилган Раёсат йиғилишида ана шу масалалар атрафлича муҳокама этилиб, ютуқлар ва айрим камчиликлар, жорий 2010 йилда бажарилиши лозим бўлган долзарб вазифалар белгилаб олинди.

— “Маҳалла” жамғармаси ўз низомида белгиланган мақсад ва вазифалардан, мамлакатимиз Президенти ва ҳукуматимиз томонидан қабул қилинган қарорлар, кўрсатмалардан келиб чиқиб, 2009 йилда самарали фаолият кўрсатди, — деди йиғилишда маъруза қилган “Маҳалла” жамғармаси республика бошқаруви раиси Анвар Аҳмедов. — “Қишлоқ тараққиёти ва фаровонлиги йили” Давлат дастурида белгиланган вазифалар ижросини таъминлаш, демократик ҳуқуқий давлат, фуқаролик жамиятини барпо этиш, ҳуқуқий саводхонликни ошириш, фуқароларнинг жамият бошқарувидаги иштирокини таъминлаш борасида амалга оширилган ишлар эътирофга лойиқ. 2009 йил бошидаги янгидан маҳалла гузарлари бунёд этиш, йиғин идораларини таъмир-

лаш, жиҳозлаш, моддий-техник базасини мустаҳкамлаш тўғрисидаги ташаббус барча ҳамкор ташкилотлар томонидан қўллаб-қувватланди. Натижада йил давомида ўнлаб маҳалла гузарлари, марказлари барпо этилди, йиғинлар биноларида реконструкция ишлари олиб борилди. 593 та йиғин идораси мебель жиҳозлари, 1008 таси компьютер жамланмаси билан таъминланди. Жорий йилда эҳтиёжманд оилаларни қўллаб-қувватлашда янада кенгроқ эътибор қаратиш, фуқаролар йиғинлари ҳузурдаги комиссиялар, хусусан, Яраштириш ва Ёшлар билан ишлаш комиссиялари ишини жонлантириш, тизимда фаолият юритаётган кадрлар малакасини оширишга қаратилган ўқув-семинарларни кўпроқ ташкил этиш лозим бўлади.

Утган 2009 йилда жамғарманинг ҳудудий бўлими ва бўлинмалари томонидан фуқаролар йиғинлари фаолиятини такомиллаштириш, қишлоқ аҳолиси турмуш даражасини ошириш мақсадида ўтказилган 20 мингдан зиёд давра суҳбатлари, мулоқотларга икки миллионга яқин аҳоли жалб этил-

ди. 12 минг 783 та кам таъминланган, кўпбалали оилага бир бошдан қорамол ҳада қилиниши натижасида бу оилаларнинг моддий асослари мустаҳкамланди. Шундан 1349 та қорамол жамғарма маблағи ҳисобига олинди.

Ёшларнинг таълим-тарбия олиши, Ватанга содиқ фарзандлар бўлиб вояга етиши йўлида ҳам талай ишлар бажарилди. Олий таълим муассасаларида шартнома асосида тахсил олаётган қишлоқда яшовчи ногирон ёшлардан 101 нафарининг ўқиши учун 92,3 миллион сўм тўлаб берилди. Аҳоли бандлигини ошириш мақсадида коллеж битирувчилари ва вақтинчалик бўш юрганлардан 46 минг 800 нафарини, ҳарбий хизматни ўтаб қайтганлардан 12 минг 590 нафарини жойлардаги турли ишлаб чиқариш муассасалари ва ташкилотларга ишга жойлаштиришда, қасанчилик йўли орқали 13 минг 440 нафар фуқаро, шу жумладан, 1281 нафар жисмоний имконияти чеklangанларни иш билан таъминлашда жамғарма ва фуқаролар йиғинлари яқиндан кўмак берди.

(Давоми 2-саҳифада)

АҲОЛИ БАНДЛИГИ

ТУРМУШ ФАРОВОНЛИГИНИНГ ГАРОВИ

ОИЛА даромадини шакллантириш, ижтимоий ҳимоя тизимини мустаҳкамлаш ва жамиятнинг тараққиётини, авваламбор, аҳолининг иш билан бандлигига боғлиқ. Шу боис, мамлакатимизда олий ўқув юртлари, ўрта махсус касб-ҳунаро коллежларининг битирувчилари, Куролли Кучлар сафидан бўшатирилган ҳамда вақтинча ишламаётган меҳнатга лаёқатли фуқароларни мавжуд бўш иш ўринларига жалб этиш мумкин вазифалардандир.

(Давоми 2-саҳифада)



МАҲАЛЛА ГУЗАРЛАРИ

“ФАЙЗИОБОД”НИНГ ФАЙЗЛИ ГЎШАСИ

Сўнгги йилларда юртимизда нафақат маҳалла марказларини бунёд этиш, балки маъжудларини қайтадан таъмирлаш ишларига ҳам жиддий эътибор қаратилаётир. Хусусан, пойтахтимизнинг Миробод тумани “Файзиобод” маҳалласининг гузари янги йил арафасида таъмирдан чиқарилди. Натижада ходимларнинг самарали фаолият юритиши учун барча шароитлар яратилди.

— Иш унумдорлиги яратилган қулайликларга боғлиқ, — дейди маҳалла оқсоқоли Тўхтапўлат Содиков. — Шу боис, биз ҳам маҳалламиз гузарини қайта таъмирлаб, зарур асбоб-ускуналар, мебель жиҳоз-

лари, сифатли алоқа, факс, нусха кўчириш аппарати билан таъминладик. Бундай хайрий ишни амалга оширишда “Маҳалла” жамғармаси туман арафасида таъмирдан чиқарилган ва фаолларнинг ёрдами кўл келди.

Эътиборлиси, бу ердан жой олган кўча ва уй бошлиқлари ҳамда коммунал тўловларни амалга ошириш хоналари, кенг, шинам мажлислар зали йиғин мутасаддиларининг иш самарадорлигини оширишга хизмат қилмоқда. Марказ қошида фаолият юритаётган кураш ва бокс тўғрисидаги ёшларнинг бўш вақтини мазмунли ўтказишига омил бўлаётир.

Раҳим ШЕРКУЛОВ,
«Mahalla» муҳбири.



«Қишлоқ қурилиш инвест» иxtи-сослаштирилган шўъба инжиниринг компанияси Қашқадарё филиали директори Уйғун Азизовнинг айтишича, «Қишлоққурилишлойиха» институти томонидан ишлаб чиқилган 32 намунавий лойиҳа ичидан вилот табиий иқлим шароити ҳамда аъналарига мос бўлган, замонавий шахарсозлик талабларига жавоб берадиган икки турдаги лойиҳа танлаб олинди. Қишлоқ аҳолисида бу турдаги уйларга қизиқиш ортмоқда.

2010 йилда Қашқадарё вилоти-нинг 13 туманидаги 21 қишлоқ мас-сивида ана шундай 735 уй-жой қурилиши мўлжалланмоқда.

Аҳад МУҲАММАДИЕВ,
УА муҳбири.

